

RADIO STARI GRAD d.o.o., Sarajevo, Urijan Dedina 7, objavljuje Pravila učestvovanja u Nagradnoj Igri „Vodimo vas na utakmicu Grčka-BiH“.

Član 1.

Priredivač Nagradne Igre je Radio Stari Grad d.o.o., Urijan Dedina 7, 71000 Sarajevo (u nastavku: Priredivač), a ista će se realizovati u programu RSG radija za potrebe sponzora Sky Cola (u nastavku: Sponzor).

Član 2.

Pravilima učestvovanja u Nagradnoj igri (u nastavku: Pravila) Priredivač definiše sva pravila učestvovanja u nagradnoj igri "Vodimo vas na utakmicu Grčka – BiH".

Član 3.

Nagradna igra se realizuje u razdoblju od 31.10. do 09.11.2016. godine, radnim danom, u terminu od 06 do 18 sati.

Član 4.

Ovim pravilima se osigurava ravnopravnost svih učesnika u nagradnoj igri i jednaka mogućnost osvajanja nagrade u slučaju da su ispunjeni svi uslovi iz Pravilnika.

Član 5.

Pravo sudjelovanja u ovom kvizu imaju svi punoljetni državljani Republike Bosne i Hercegovine, a nemaju uposlenici RSG radija, Sky Cola i sestrinskih kompanija, stalni saradnici i članovi njihove uže porodice. Jedna osoba može osvojiti samo jednu nagradu. Priredivač nije odgovoran ukoliko osoba odbije preuzeti nagradu.

Član 6.

Sudjelovanjem u kvizu učesnici prihvataju stavke navedene u ovim Pravilima i dozvoljavaju da se njihove fotografije, audio snimci i slično mogu objaviti u eteru RSG radija, na internet stranicama Priredivača ili Sponzora, Facebooku i Twitteru RSG radija. Učesnici pristaju da njihovi podaci budu objavljeni na web stranicama trećih osoba, stranicama Sponzora i stranicama društvenih mreža. Učesnici također pristaju i na fotografisanje prilikom preuzimanja nagrade za potrebe promocije igre i objave u medijima Priredivača i Sponzora.

Učesnici igre pristaju bez iznimke da Priredivač ili Sponzor mogu koristiti podatke prikupljene unutar igre narednih 12 mjeseci za potrebe marketinga i promotivnih aktivnosti, bez ikakve naknade učesniku.

Član 7.

Zadatak slušatelja je da, nakon što u programu RSG radija čuju SIRTAKI, pozovu telefon RSG radija 033 251 420 i prijave se za igru. U sklopu igre odgovaraju na 9 (devet) pitanja vezanih za Grčku i Nogometnu reprezentaciju BiH.

Nakon 8 (osam) dana igranja slušatelj sa najvećim brojem tačno odgovorenih pitanja osvaja nagradu. U slučaju da nakon 8 (osam) dana igranja imamo više slušatelja sa istim najvećim brojem odgovora, postavljamo im dodatna dva pitanja dok ne budemo imali jednog slušatelja sa najvećim brojem tačnih odgovora.

Član 8.

Nagradni fond čini jedna glavna nagrada. Glavna nagrada je putovanje u Grčku na utakmicu Grčka – BiH.

Putovanje podrazumijeva:

Prijevoz autobusom od Sarajeva do Beograda, povratnu avio kartu na relaciji Beograd – Atina, dvije ulaznice prve kategorije za utakmicu Grčka – BiH, smještaj u Hotelu, osiguranje za vrijeme putovanja, avio takse.

Polazak: 11. 11. 2016 godine

Povratak: 14. 11. 2016 godine

Vrijednost nagradnog fonda je 2.900,00 KM (dvijehiljaddevetstotina konvertibilnih maraka). Nagrade obezbjeđuje Sponzor a dodjeljuje Priređivač na način da se maksimalno ispune ciljevi provođenja igre.

Član 9.

Regularnost provođenja nagradne igre provodi tročlana komisija RSG radija, o čemu se vodi dnevni zapisnik.

Tročlanu komisiju čine:

1. Adela Alagić-Đorđević;
2. Alen Altoka;
3. Rusmir Fazlić.

Član 10.

Priređivač igre će imena dobitnika objaviti u eteru i obavijestiti ih telefonskim putem o osvojenoj nagradi. Nagradu nije moguće zamijeniti za novčanu naknadu. Trenutkom preuzimanja nagrade, odnosno potpisom o preuzimanju nagrade, prestaju sve daljnje obaveze Priređivača i Sponzora kviza prema Dobitniku.

Nagrada će biti dostavljena dobitniku u roku od 2 (dva) dana od završetka igre. Priređivač i Sponzor nisu odgovorni ukoliko dobitnik ne zadovoljava kriterije za korištenje nagrade te takva obrazloženja ne kvalifikuju za promjenu nagrade. U slučaju da u Pravilima propisanom roku dobitnik ne preuzme nagradu, gubi pravo potraživanja iste.

Član 11.

Priređivač kviza može isti staviti u privremeno stanje mirovanja ili ga u potpunosti prekinuti u slučaju nastupa više sile i izraženih privrednih poremećaja, te o tome na odgovarajući način obavijestiti javnost.

Član 12.

Učestvovanjem u igri svaki učesnik prihvata gore navedena prava i obaveze iz ovog Pravilnika. U slučaju mogućeg spora nadležan je Općinski sud u Sarajevu.

Članak 13.

Ovaj Pravilnik stupa na snagu danom objave na web stranici www.rsg.ba, a njegova valjanost traje do ispunjenja svih stavki predviđenih pojedinim člancima Pravilnika.

U Sarajevu, 31. oktobra 2016.

Radio Stari Grad d.o.o.
Broj 012/2016.